

ՀԱՇՎԵՏՈՒ ԹՈՂԱՐԿՈՂԻ ՀԱՇՎԵՏՎՈՒԹՅՈՒՆ  
ՏԻՏՂՈՍԱԹԵՐԹ

Տարեկան հաշվետվություն

ԵՐԱԼՆԻ «ՇԱՄՊԱՅՆ ԳԻՆԻՆԵՐԻ ԳՈՐԾԱՐԱՆ» ԲԲԸ

ԲԱՑ ԲԱԺՆԵՏԻՐԱԿԱՆ ԸՆԿԵՐՈՒԹՅՈՒՆ

ք.Երևան, Թբիլիսյան խճուղի 20, հեռ. 28 – 54 – 76, ֆաքս 28 – 54 – 68

էլ. փոստ info@armchampagne.am

N 01 28.04.2009թ.

տեղաբաշխված արժեթղթերի դասը՝ հասարակ, անվանական

արժեթղթերի քանակը՝ 222183 հատ

արժեթղթերի անվանական արժեքը (արժույթը)՝ 4000 ՀՀ դրամ

«Մենք՝ ստորագրող անձինք, հավաստիացնում ենք, որ հաշվետվությունում ներառվող տեղեկությունները ճշգրիտ և ստույգ են և չեն պարունակում բացթողումներ, որոնք կարող են խեղաթյուրել հաշվետվության ամբողջականությունը»:

ստորագրող անձինք՝

Յ. Իսկաջյան  
(անուն, ազգանուն)

Գլխավոր հաշվապահ  
(պաշտոն)

\_\_\_\_\_

28.04.2009թ.  
(ամսաթիվ)

Գ. Սինապյան  
(անուն, ազգանուն)

Տնտեսագետ  
(պաշտոն)

\_\_\_\_\_

28.04.2009թ.  
(ամսաթիվ)

Ս. Հակոբյան  
(անուն, ազգանուն)

Իրավախորհրդատու  
(պաշտոն)

\_\_\_\_\_

28.04.2009թ.  
(ամսաթիվ)

Ստորագրությունները վավերացնում են (ստորագրությունները վավերացվում են տնօրենների խորհրդի նախագահի կամ գործադիր տնօրենի, կամ նման իրավասություն ունեցող այլ անձի կողմից)՝

Ֆ. Հակոբյան  
(անուն, ազգանուն)

Գործադիր տնօրեն  
(պաշտոն)

\_\_\_\_\_

28.04.2009թ.  
(ամսաթիվ)

Կ.Տ.

## Տարեկան զեկույց

### 2008թ. ընթացքում Ընկերության կողմից իրականացված գործունեության վերաբերյալ

#### Ջեկուցող Երևանի «Շամպայն գինիների գործարան» ԲԲԸ – ի Գործադիր տնօրեն Ֆիանտա Ֆրանսիկի Հակոբյան

Երևանի «Շամպայն գինիների գործարան» ԲԲԸ – ի բաժնետոմսերը դասվում են որպես հասարակ, անվանական բաժնետոմսեր, ներկայումս դրանք ոչ փաստաթղթային ձևի են: Քանակը կազմում է 222183 հատ: Մեկ բաժնետոմսի անվանական արժեքը կազմում է 4000 հայկական դրամ: Բաժնետոմսերի սեփականատերերի իրավունքները և պարտականությունները սահմանվում են Ընկերության կանոնադրությամբ և «Բաժնետիրական Ընկերությունների մասին» ՀՀ օրենքով: Բաժնետոմսերի նկատմամբ իրավունքների և պարտականությունների գրանցումը կատարում է «Հայաստանի կենտրոնական դեպոզիտարիա » ԲԲԸ – ն:

Կանոնադրական կապիտալի չափը կազմումում է 888732000 դրամ: Կանոնադրական կապիտալը 100 տոկոսով ձևավորված է սովորական բաժնետոմսերից, որոնց քանակը կազմում է 222183 հատ: Մասնակիցների կողմից իրենց պատկանող արժեթղթերի դիմաց վճարման պարտավորությունը 100 տոկոսով կատարված է:

Ընկերությունը հիմնականում զբաղվում է ալկոհոլային խմիչքների արտադրությամբ և վաճառքով: Առավել կարևորվում են շամպայն գինիների, օղու և կոնյակների արտադրության ոլորտները, որոնց զարգացման հիմնական ուղղությունները կայանում են նոր տեխնոլոգիաների կիրառման, արդի սարքավորումների ձեռք բերման ի օգտագործման մեջ:

Արտադրանքը հիմնականում սպառվում է ներքին շուկայում, որտեղ Ընկերությունը իր արտադրատեսակներով զբաղեցնում է կայուն դիրք: Իրացումը հիմնականում իրականացվում է Ընկերության ֆիրմային խանութների: Արտադրանքի վաճառքը իրականացվում է նաև տարբեր առևտրային կետերին մատակարարելու միջոցով, սակայն դրանցից ոչ մեկը որպես խոշոր սպառող չի դիտվում:

Հիմնական մրցակիցներ են համարվում օղի, գինի, կոնյակ արտադրող ընկերությունները:

Ընկերությունը չունի այնպիսի մատակարարներ, որոնց բաժին է ընկնում ապրանքանյութական արժեքների ընդհանուր մատակարարման 10 տոկոսից ավելին:

Ընկերությունը չունի այնպիսի մատակարարներ, որոնց բաժին է ընկնում ապրանքանյութական արժեքների ընդհանուր մատակարարման 10 տոկոսից ավելին:

Ընկերությունը օժանդակ նյութերի ձեռք բերման համար մշտապես ունի ֆինանսական ներքոսքերի կարիք, ուստի այդ պատճառով հաշվետու տարվա ընթացքում Ընկերությունը դիմում – հայտ է ներկայացրել «Յունիբանկ» ՓԲԸ – ին վարկ ստանալու խնդրանքով:

18.09.08թ. Ընկերությունը «Յունիբանկ» ՓԲԸ – ի հետ կնքել է վերականգնվող վարկային գծի պայմանագիր, 250.000.000 / երկու հարյուր հիսուն միլիոն/ ՀՀ դրամ սահմանաչափով, տարեկան 13 % / տասներեք տոկոս/ տոկոսադրույքով: Պայմանագիրը կնքվել է մինչև 18.03.2010թ.: Վարկի վերադարձվելիությունը ապահովելու նպատակով գրավադրվել է Ընկերության սեփականությունը հանդիսացող Կոտայքի մարզ, գ. Քանաքեռավան հասցեում գտնվող 2.579 / երկու հազար հինգ հարյուր յոթանասունհինգ/ քմ ընդհանուր մակերեսով գինու կետը իր սարքավորումներով և 1.7 /մեկ ամբողջ յոթ տասնորդական/ հա մակերեսով հողամասը:

27.11.2008թ. Ընկերությունը «Յունիբանկ» ՓԲԸ – ի հետ կնքել է վերականգնվող վարկային գծի պայմանագիր, 20.000.000 / քսան միլիոն/ ՀՀ դրամ սահմանաչափով, տարեկան 20 % / քսան տոկոս/ տոկոսադրույքով: Պայմանագիրը կնքվել է մինչև 15.03.2010թ.: Վարկի վերադարձվելիությունը ապահովելու նպատակով գրավադրվել է Ընկերության սեփականությունը հանդիսացող ք. Երևան, Թբիլիսյան խճ. 20 հասցեում (Ընկերության գործարանի տարածքում) տեղակայված թվով 17 (տասնյոթ) հատ էմալապատ տարողություններ:

Ընկերությունն ունի գործունեության իրականացման համար հատուկ լիցենզիաներ, որոնք տրված են անժամկետ:

Ընկերությանը սեփականության իրավունքով պատկանում է Կոտայքի մարզ, գյուղ Քանաքեռավանում գտնվող գինու կետը իր շենք - շինություններով և սարքավորումներով:

Թբիլիսյան խճուղի 20 հասցեում գտնվող Ընկերության գործարանի տարածքից որոշակի հատված հինգ տարի ժամկետով անսական 100000 /մեկ հարյուր հազար/ դրամ արժեքով վարձակալության է հանձնված «Գարանտ սերվիս» ՍՊԸ - ին:

Թբիլիսյան խճուղի 20 հասցեում գտնվող Ընկերության գործարանի տարածքից որոշակի հատված՝ 200 քմ մակերեսով հողատարածք վարձակալության է տրված «Ֆրանսպարկ» ՓԲԸ – ին, անսական 142000 դրամ վարձավճարով, հինգ տարի ժամկետով:

Թբիլիսյան խճուղի 20 հասցեում գտնվող, Ընկերությանը սեփականության իրավունքով պատկանող վառելիքի լիցքավորման կայանը հինգ տարի ժամկետով, անսական 120000 /մեկ հարյուր քսան հազար/ դրամ արժեքով վարձակալության է հանձնված «Ֆլեշ» ՍՊԸ - ին:

Ընկերությունը վարձակալական հիմունքներով օգտագործում է Ագաթանգեղոսի 7 հասցեում գտնվող տարածքը, որը գործում է որպես ֆիրմային խանութ: Վարձակալության պայմանագիրը կնքված է անորոշ ժամկետով, անսական 60000 /վաթսուն հազար/ դրամ վարձավճարով:

Ընկերությունը անորոշ ժամկետով կնքված անհատույց օգտագործման պայմանագրի շրջանակներում, որպես ֆիրմային խանութ է օգտագործում Մաշտոցի պողոտա 27 հասցեում գտնվող տարածքը:

Ընկերությանը սեփականության իրավունքով պատկանում են ք. Էջմիածին, Մաշտոցի փողոց թիվ 28 հասցեում գտնվող խանութի և ք. Վանաձոր, Տիգրան Մեծի 29 հասցեում գտնվող խանութի տարածքները:

Խաղողի մթերման սեզոնային աշխատանքները կազմակերպելու նպատակով Ընկերությունը վարձակալում է Տավուշի մարզ գյուղ Դեբեդավան հասցեում գտնվող «Նոյեմբերյանի գինու գործարան» ՓԲԸ – ին պատկանող գինու կետը տարեկան 5760000 /հինգ միլիոն յոթ հարյուր վաթսուն հազար/ դրամ վարձավճարով: Վարձակալության պայմանագիրը կնքված է անորոշ ժամկետով:

Ընկերությունն իր գործունեության մեջ ունի ներգրավված հողատարածքներ, շենքեր, շինություններ, որոնք մեծամասնությամբ կենտրոնացված են ք. Երևան Թբիլիսյան խճուղի 20 հասցեում:

## **Տեղեկանք**

### **Շենքեր.**

Հաշվեկշռային արժեք - 132422 հազ. դրամ

Մաշվածություն – 48.4 %

### **Շինություններ.**

Հաշվեկշռային արժեք - 4515 հազ. դրամ

Մաշվածություն - 82.4 %

### **Մեքենաներ և սարքավորումներ.**

Հաշվեկշռային արժեք - 46719 հազ. դրամ

Մաշվածություն - 80.6 %

### **Տրանսպորտային միջոցներ.**

Հաշվեկշռային արժեք - 78483 հազ. դրամ

Մաշվածություն – 46.8 %

### **Արտադրական գույք.**

Հաշվեկշռային արժեք - 564 հազ. դրամ

Մաշվածություն - 68.8 %

### **Այլ**

Հաշվեկշռային արժեք - 4321 հազ. դրամ

Մաշվածություն - 0 %

**Ընդամենը** Սկզբնական արժեք - 676347 հազ. դրամ

Հաշվեկշռային արժեք - 267024 հազ. դրամ

Մաշվածություն - 60.5 %

Աշխատողների միջին թվաքանակը 2008թ. ընթացքում կազմել է 250 մարդ:

Ընկերության հասարակ անվանական բաժնետոմսերի մոտավորապես երկու ամբողջ չորս տասնորդական տոկոսը պատկանում է Ընկերության աշխատակիցներին:

Ընկերությունը չունի այնպիսի աշխատակիցներ, որոնց տարեկան վարձատրությունը գերազանցում է նվազագույն աշխատավարձի տասնհազարապատիկը:

Ընկերությանը հարկային արտոնություններ տրված չեն:

Ընկերության նկատմամբ հաշվետու տարվա ընթացքում դատարանի կողմից պատասխանատվության միջոցներ չեն կիրառվել:

ՀՀ Աշխատանքի և Սոցիալական հարցերի Նախարարի 01.08.08թ. թիվ 1872 հանձնարարագրի հիման վրա ՀՀ Աշխատանքի պետական տեսչության Երևանի տարածքային կենտրոնի կողմից ստուգում է իրականացվել Ընկերությունում ՀՀ աշխատանքային օրենսդրության և աշխատանքի իրավունքի նորմեր պարունակող այլ նորմատիվ իրավական ակտերի պահանջների կատարման վերահսկման նպատակով: Ստուգման ընթացքում հայտնաբերվել է, որ Ընկերության մեկ աշխատակից այդ պահին անվանաքարտ չի կրել, արդյունքում կազմվել է համապատասխան ակտ և վարչական տույժ նշանակելու մասին որոշում կայացվել, ըստ որի Ընկերությունը տուգանվել է 50000 (հիսուն հազար) դրամ գումարով: Տուգանքը տասնօրյա ժամկետում վճարվել է:

ՀՀ Ազգային վիճակագրության ծառայության նախագահի 21.11.08թ. թիվ 197 հանձնարարագրի հիման վրա Ընկերությունում ստուգում է անցկացվել «Ձև թիվ – 1 տրանսպորտ» պետական վիճակագրական հաշվետվությունների արժանահավատության ստուգման վերաբերյալ: Ստուգման արդյունքում խախտումներ և թերություններ չեն հայտնաբերվել:

Հաշվետու տարվա ընթացքում ՀՀ Սանիտարահակահամաճարակաբանության ծառայության Նոր – նորքի և Ավանի տարածքային կենտրոնի կողմից ուսումնասիրություն է իրականացվել Ընկերության գործարանի տարածքում, ըստ որի պարզվել է, որ Ընկերության գործարանի սանիտարա - հիգիենիկ և սանիտարատեխնիկական պայմանները համապատասխանում են գինեգործական ձեռնարկություններին ներկայացվող սանիտարական կանոնների ՍԿ 5788-91-ի պահանջներին:

Հաշվետու տարվա ընթացքում Ընկերության ֆինանսատնտեսական գործունեության նկատմամբ պետական այլ իրավասու մարմինների կողմից ստուգումներ չեն իրականացվել: Բոլոր տեսակի հաշվետվությունները Ընկերության կողմից ներկայացվել են գործող օրենսդրությանը համապատասխան և առանց ժամկետների խախտման:

Ընկերությունը 2008թ. ընթացքում ֆինանսական միջոցներ ներգրավելու նպատակով փոխկապակցված անձանց հետ կատարել է ներքոհիշյալ գործարքները.

28.02.07թ. Ընկերությունը «Արմենիան Ինթերնեյշնլըլ Էյրվեյս» ՓԲԸ – ի հետ կնքել է անտոկոս փոխառության /ֆինանսական փոխօգնության կարգով/ պայմանագիր: Ըստ պայմանագրի Ընկերությունը ստացել է 150.000.000 դրամ փոխառության գումար հետագայում այդ գումարը հետ վերադարձնելու պայմանով: Գումարն անհրաժեշտ էր Ընկերությանը օժանդակ նյութերի ձեռք բերման համար: Սակայն ըստ կողմերի միջև 28.12.07թ. կնքված համաձայնագրի նշված գումարից 30.000.000 /երեսուն միլիոն/ դրամի, վճարման պարտավորությունը երկարաձգվել է մինչև 05.01.2009թ., որից հետո 30.12.2008թ կողմերի միջև կնքվել է Համաձայնագիր թիվ 02, ըստ որի նշված 30.000.000 դրամ գումարից 2008թ. ընթացքում վճարվել է 10.000.000 դրամ, իսկ

մնացած 20.000.000 դրամի վճարման պարտավորությունը երկարաձգվել է մինչև 30.12.2009թ.: Վերը նշված պայմանագրի շրջանակներում տրամադրված գումարից Ընկերության փաստացի պարտքը կազմել է 20.000.000 դրամ :

30.09.08թ. Ընկերությունը «Գարանտսերվիս» ՍՊԸ – ի հետ կնքել է անտոկոս փոխառության /ֆինանսական փոխօգնության կարգով/ պայմանագիր: Ըստ պայմանագրի ընկերությանը տրամադրվել է 30.430.000 դրամ գումար, մինչև 31.12.08թ. հետ վերադարձնելու պայմանով: Նշված գումարից 12.700.000 (տասներկու միլիոն յոթ հարյուր հազար) դրամը Ընկերությունը հետ է վերադարձրել մինչև պայմանագրի ժամկետի լրանալը, իսկ մնացած 17.730.000 (տասնյոթ միլիոն յոթ հարյուր երեսուն հազար) դրամ գումարի վճարումը ըստ 29.12.08թ. Կողմերի մինչև կնքված համաձայնագրի երկարաձգվել է մինչև 29.12.2009թ.:

16.12.08թ. Ընկերությունը «Գարանտսերվիս» ՍՊԸ – ի հետ կնքել է անտոկոս փոխառության /ֆինանսական փոխօգնության կարգով/ պայմանագիր: Ըստ պայմանագրի ընկերությանը տրամադրվել է 40.000.000 դրամ գումար, մինչև 16.06.09թ. հետ վերադարձնելու պայմանով:

29.12.07թ. Ընկերությունը «Արմենիան Ինթերնեյշնլ Էյրվեյս» ՓԲԸ – ի հետ կնքել է անտոկոս փոխառության պայմանագիր: Ըստ պայմանագրի Ընկերությունը ստացել է 220.000.000 դրամ փոխառության գումար, մինչև 29.12.08թ. գումարը հետ վերադարձնելու պայմանով: Սակայն ըստ կողմերի միջև 27.12.2008թ. կնքված համաձայնագրի նշված 220.000.000 դրամ գումարի Ընկերության կողմից վճարման պարտավորությունը երկարաձգվել է մինչև 29.12.2009թ.:

24.12.2008թ. Ընկերությունը «Արմենիան Ինթերնեյշնլ Էյրվեյս» ՓԲԸ – ի հետ կնքել է անտոկոս փոխառության /ֆինանսական փոխօգնության կարգով/ պայմանագիր: Ըստ պայմանագրի Ընկերությունը ստացել է 15.000.000 (տասնհինգ միլիոն) դրամ փոխառության գումար, մինչև 24.12.09թ. գումարը հետ վերադարձնելու պայմանով:

03.09.2008թ. Ընկերությունը «Աստղածոր» ՍՊԸ – ի հետ կնքել է անտոկոս փոխառության /ֆինանսական փոխօգնության կարգով/ պայմանագիր: Ըստ պայմանագրի Ընկերությունը ստացել է 51.600.000 դրամ փոխառության գումար, մինչև 31.12.08թ. գումարը հետ վերադարձնելու պայմանով: Նշված գումարից 35.500.000 (երեսունհինգ միլիոն հինգ հարյուր հազար) դրամը Ընկերությունը հետ է վերադարձրել մինչև պայմանագրի ժամկետի լրանալը, իսկ մնացած 16.100.000 (տասնվեց միլիոն մեկ հարյուր հազար) դրամ գումարի վճարումը ըստ 29.12.08թ. Կողմերի մինչև կնքված համաձայնագրի երկարաձգվել է մինչև 29.12.2009թ.:

06.02.08թ. Ընկերության Դիտորդ խորհրդի նախագահ Յրայր Յակոբյանը անտոկոս փոխառության պայմանագրի հիման վրա Ընկերությանը տրամադրել է 20.064000 (քսան միլիոն վաթսուչորս հազար) դրամ մինչև 15.02.08թ. հետ վերադարձնելու պայմանով: Նշված գումարը վերադարձվել է փոխատուին:

03.10.2008թ. Ընկերության Դիտորդ խորհրդի նախագահ Յրայր Յակոբյանը անտոկոս փոխառության պայմանագրի հիման վրա Ընկերությանը տրամադրել է 12481000 (տասներկու միլիոն չորս հարյուր ութսունմեկ հազար) դրամ գումար, Ընկերության տնտեսական գործունեությանը օժանդակելու նպատակով, մինչև 03.12.2009թ. հետ վերադարձնելու պայմանով:

Տրամադրված գումարից մի մասը՝ 7.406.950 (յոթ միլիոն չորս հարյուր վեց հազար ինը հարյուր հիսուն) դրամը հետ է վերադարձվել փոխատուին մինչև պայմանագրի ժամկետը լրանալը և առ 31.12.2008թ. դրությամբ վերը նշված փոխառության պայմանագրի հիման վրա գումարից Ընկերության փաստացի պարտքը կազմում է 5.074050 (հինգ միլիոն յոթանասուն չորս հազար հիսուն) դրամ:

Նշված գործարքները փոխկապակցված են, քանի որ վերոհիշյալ ընկերությունների հիմնադիրները, համարվում են թխարկողի հետ փոխկապակցված անձիք:

Ընկերության 2008թ. աուդիտն իրականացրել է «Հայաստդիտ» ՍՊԸ – ն, որը գտնվում է ք. Երևան, Գ. Լուսավորչի 15/1 հասցեում: Աուդիտն իրականացնող անձն եկել է այն եզրահանգման, որ հաշվապահական հաշվեկշռում արտացոլված և 31.12.2008թ. դրությամբ շահագործման մեջ գտնվող և օգտագործվող 676347.0հզ. դրամ սկզբնական արժեք ունեցող հիմնական միջոցներից 169331.0 հզ. դրամի հիմնական միջոցները մնացորդային արժեք չունեն: Աուդիտն իրականացնող անձի կարծիքով ֆինանսական հաշվետվությունները, բացի վերը նշված հանգամանքներից, մնացած բոլոր էական առումներով ճշմարիտ են ներկայացնում Ընկերության ֆինանսական վիճակը՝ առ 31.12.2008թ., ինչպես նաև հաշվետու ժամանակաշրջանի ֆինանսական արդյունքները, սեփական կապիտալում փոփոխություններն ու դրամական հոսքերը՝ Համաձայն ՀՀ հաշվապահական Հաշվառման Ստանդարտների (Աուդիտորական եզրակացության պատճենը կցվում է):

Ստորև ներկայացվում է ընկերության 2008թ. ֆինանսական վիճակի վերլուծությունը

### **ՖԻՆԱՆՍԱԿԱՆ ՎԻՃԱԿԻ ՎԵՐԼՈՒԾՈՒԹՅՈՒՆ 2008թ. տարեկան**

Ա) Ֆինանսական կայունության ցուցանիշները ընկերությունում բնութագրվում են հետևյալ կերպ՝

1. Ֆինանսական անկախության գործակիցը կազմում է՝

01.01.2009 թ.	Սեփական կապիտալ	1279319	—	—	0.63
	Հաշվեկշռի հանրագումար	2016615			

Այս ցուցանիշի ցանկալի փոքրագույն մակարդակը կազմում է 0,5:

**2. Պարտավորությունների և սեփական կապիտալի հարաբերակցության գործակից:**

Այս գործակիցը ցույց է տալիս, թե սեփական կապիտալի միավորի հաշվով որքան պարտավորություններ ունի ընկերությունը, և որոշվում է հետևյալ բանաձևով`

$$01.01.2009 \quad \frac{\text{Պարտավորություններ}}{\text{Սեփական կապիտալ}} = \frac{737296}{1279319} = 0.58$$

Այս ցուցանիշի ցանկալի փոքրագույն մակարդակը կազմում է 1:

**3. Ինքնավարության գործակից:**

Այս գործակիցը ցույց է տալիս, թե ընկերության միջոցների որ մասն է ձևավորվել երկարաժամկետ հիմունքներով ներգրավված աղբյուրների հաշվին, և որոշվում է`

**Սեփական կապիտալ + Երկարաժամկետ պարտավորություններ**

**Հաշվեկշռի հանրագումար**

$$01.01.2009 \quad \frac{1279319 + 0}{2016615} = 0.63$$

**4. Գործող կապիտալ:**

Այն ցույց է տալիս, թե ընթացիկ ակտիվների որ մասն է ապահովված սեփական կապիտալով և երկարաժամկետ պարտավորություններով կամ երկարաժամկետ հիմունքներով ներգրավված միջոցների որ մասն է ուղղված ընթացիկ ակտիվների ֆինանսավորմանը: Այս գործակիցը որոշվում է հետևյալ բանաձևով`

Ընթացիկ ակտիվներ - կարճաժամկետ պարտավորություններ  
կամ

Սեփական կապիտալ + Երկարաժամկետ պարտավորություններ - Ոչ  
ընթացիկ ակտիվներ

Ընկերությունում այն կկազմի`

$$1.01.2009 \text{ թ.} - 1279319 + 0 - 341481 = 937838$$

**5. Ընթացիկ ակտիվների` գործող կապիտալով ապահովվածության գործակից:**

Այս գործակիցը ցույց է տալիս, թե ընկերության ընթացիկ ակտիվների որ մասն է ձևավորվել սեփական կապիտալի և երկարաժամկետ պարտավորությունների հաշվին, և որոշվում է`



Գործող կապիտալ

\_\_\_\_\_ հարաբերությամբ

Ընթացիկ ակտիվներ

937838

01.01.2009

0.56

1675134

Այս ցուցանիշի ցանկալի նորմատիվային փոքրագույն մակարդակը կազմում է 0,1:

**6. Պաշարների՝ գործող կապիտալով ապահովվածության գործակից:**

Այս գործակիցը ցույց է տալիս, թե ընկերության ապրանքանյութական պաշարների որ մասն է ձևավորվել սեփական կապիտալի և երկարաժամկետ պարտավորությունների հաշվին, և որոշվում է՝

Գործող կապիտալ

\_\_\_\_\_ բանաձևով

Պաշարներ

937838

01.01.2009

0.71

1316099

Այս ցուցանիշի նորմատիվային փոքրագույն արժեքը կազմում է 0,5:

**7. Սեփական կապիտալի մանկրայնության գործակից,** որը ցույց է տալիս, թե սեփական կապիտալի հաշվին ձևավորված միջոցների որ մասն է գտնվում շարժունակ (նոբիլ) վիճակում, և որոշվում է՝

937838

01.01.2009

0.73

1279319

Այս ցուցանիշի նորմատիվային փոքրագույն արժեքը կազմում է 0,5:

**8. Գույքի ռեալ արժեքի գործակից:**

Այս գործակիցը ցույց է տալիս, թե ընկերության ընդհանուր միջոցներում որքան մաս են կազմում արտադրության միջոցները: Այն որոշվում է ընկերության արտադրության միջոցների (հիմնական միջոցներ՝ մնացորդային

արժեքով, ապրանքանյութական պաշարներ) և հաշվեկշռի հանրագումարի հարաբերակցությամբ`

**Ռեալ ակտիվներ**

\_\_\_\_\_ բանաձևով

**Հաշվեկշռի հանրագումար**

01.01.2009  $\frac{267024+1316099}{2016615}$  = 0.78

Այս ցուցանիշի ընդունելի փոքրագույն մակարդակը կազմում է 0,5 և բնութագրում է ընկերության արտադրական պոտենցիալը` արտադրության միջոցներով ապահովվածության աստիճանը:

**9. Հիմնական միջոցների մաշվածության գործակից:**

Այն ցույց է տալիս հիմնական միջոցների մաշվածության աստիճանը և որոշվում է` հիմնական միջոցների մաշվածության և սկզբնական (վերագնահատված) արժեքի հարաբերությամբ`

**Հ / Մ-երի մաշվածություն**

\_\_\_\_\_ **Հ / Մ-երի սկզբնական արժեք**

01.01.2009  $\frac{409323}{676347}$  = 0.6

**Բ) Ընկերության իրացվելիության ցուցանիշները բնութագրվում են հետևյալ կերպ`**

**1. Ընթացիկ իրացվելիության գործակից:**

Այն ցույց է տալիս ընկերության կարճաժամկետ պարտավորությունների` ընթացիկ ակտիվներով ապահովվածության աստիճանը և որոշվում է ընթացիկ ակտիվների և կարճաժամկետ պարտավորությունների հարաբերությամբ`

01.01.2009  $\frac{1675134}{737296}$  = 2.27

Այս ցուցանիշի սահմանային նվազագույն արժեքը կազմում է 2:

## 2. Արագ իրացվելիության գործակից:

Այս գործակիցը ցույց է տալիս կարճաժամկետ պարտավորությունների առավել իրացվելի ակտիվներով ապահովվածության աստիճանը և որոշվում է առավել իրացվելի ակտիվների (դրամական միջոցներ, կարճաժամկետ ֆինանսական ներդրումներ, դեբիտորական պարտք) և կարճաժամկետ պարտավորությունների հարաբերությամբ՝

359035

01.01.2009 \_\_\_\_\_ 0.49

737296

Այս ցուցանիշի սահմանային նվազագույն արժեքը կազմում է 1:

## 3. Բացարձակ իրացվելիության գործակից:

Այս գործակիցը ցույց է տալիս կարճաժամկետ պարտավորությունների՝ դրամական միջոցներով և դրանց համարժեքներով ապահովվածության աստիճանը և որոշվում է դրամական միջոցների ու կարճաժամկետ ֆինանսական ներդրումների և կարճաժամկետ պարտավորությունների հարաբերությամբ: Ընդ որում, այստեղ պետք է հաշվի առնվեն միայն այն ֆինանսական ներդրումները, որոնք ըստ էության համարժեք են դրամական միջոցներին: Ընկերությունում բացարձակ իրացվելիության գործակիցը կկազմի՝

73382

01.01.2009 \_\_\_\_\_ 0.09

737296

Այս գործակցի ցանկալի արժեքն ընկած է 0,2 և 0,5 թվերի սահմաններում:

## 11. ՇԱՐՈՒԹԱԲԵՐՈՒԹՅԱՆ ՇԵՄ ԵՎ ՖԻՆԱՆՍԱԿԱՆ ԿԱՅՈՒՆՈՒԹՅԱՆ ՊԱՇԱՐ

Ընկերության շահութաբերության շեմի և ֆինանսական կայունության պաշարի որոշման համար անհրաժեշտ տվյալները վերցված են ընկերության «Ֆինանսական արդյունքների մասին» Ձև N:2 հաշվետվությունից.

Յ/Յ	Ցուցանիշներ	
1.	Իրացումից զուտ հասույթ	1053512
2.	Փոփոխումն ծախսեր	893971
3.	Համախառն շահույթ	159541
4.	Սահմանային շահութաբերություն	0.15
5.	Հաստատուն ծախսեր	247188
6.	Արտադրանքի իրացումից շահույթ	-87647
7.	Շահութաբերության շեմ	1647920
8.	Ֆինանսական կայունության պաշար	-594408

Շահութաբերության շեմն իրենից ներկայացնում է ինքնաձախսածածակման կետը, այսինքն՝ իրացման այն ծավալը, որի դեպքում ընկերության հիմնական շահույթը հավասարվում է հաստատուն ծախսերի:

Ֆինանսական կայունության պաշարը կազմում է այն լրացուցիչ իրացման ծավալը, որի դեպքում ընկերությունն արդեն փոխհատուցում է իր հաստատուն ծախսերը և իրացման ամեն հաջորդ միավորի դիմաց ստանում է սահմանային շահույթին հավասար շահույթ:

## 12. ԱԿՏԻՎՆԵՐԻ ՇՐՋԱՆԱՌԵԼԻՈՒԹՅՈՒՆ

Շրջանառելիության ցուցանիշները ցույց են տալիս, թե ընկերության այս կամ այն ակտիվները քանի անգամ են շրջանառվել տարվա կամ վերլուծվող ժամանակաշրջանի ընթացքում:

Մասնավորապես շրջանառելիությունը բնութագրող ցուցանիշներն են.

### 1. Ակտիվների շրջանառելիության գործակիցը կազմում է՝

$$\frac{1053512}{1938514} = 0.54$$

### 2. Սեփական կապիտալի շրջանառելիության գործակիցը կազմում է՝

$$\frac{1053512}{1355960} = 0.78$$

Այս գործակցի մեծ արժեքը ակտիվների շրջանառելիության գործակցի համեմատ վկայում է ֆինանսական անկայության գործակցի փոքրացման և ֆինանսական կայունության անկման մասին:

3. Հիմնական միջոցների շրջանառելիության կամ ֆոնդահատույցի գործակիցը, որը բնութագրում է ընկերության հիմնական միջոցների շրջանառելիության արագությունը, որը հաշվետու ժամանակաշրջանում կազմում է՝

$$\frac{1053512}{295021} = 3.57$$

4. Ընթացիկ ակտիվների շրջանառելիության գործակիցը, որը բնութագրում է ընթացիկ ակտիվների շրջապտույտի արագությունը, կազմում է՝

$$\frac{1053512}{1594677} = 0.66$$

Իսկ ընթացիկ ակտիվների շրջապտույտի արագությունը օրերով կկազմի՝  
360: 0.66 = 545.5 օր:

5. Գործող կապիտալի շրջանառելիության գործակիցը կազմում է՝

$$\frac{1053512}{1012123} = 1.04$$

Իսկ գործող կապիտալի շրջապտույտի տևողությունը կկազմի՝  
 $360 : 1.04 = 346.15$  օր:

6. Պատրաստի արտադրանքի շրջանառելիության գործակիցը կազմում է՝

$$\frac{1053512}{92867} = 11.34$$

Այս գործակցի աճը վկայում է ընկերության արտադրանքի նկատմամբ պահանջարկի աճի մասին: Այն օգտակար է հաշվարկել իրացվելիության վերլուծության ժամանակ գնահատելու համար պատրաստի արտադրանքի իրացվելիության աստիճանը:

7. Դեբիտորական պարտքի շրջանառելիության գործակիցը կազմում է՝

$$\frac{1053512}{190718} = 5.52$$

Դեբիտորական պարտքի շրջապտույտի միջին ժամկետը օրերով կկազմի՝  
 $360 : 5.52 = 65.22$  օր:

8. Կրեդիտորական պարտքի շրջանառելիության գործակիցը կազմում է՝

$$\frac{1053512}{143602} = 7.33$$

Կրեդիտորական պարտքի շրջապտույտի միջին ժամկետը օրերով կկազմի՝  
 $360 : 7.33 = 49.1$  օր:

Այս ցուցանիշի աճը վկայում է ընկերության կողմից պարտքերի մարման արագության աճի մասին, իսկ իջեցումը՝ ապառիկով գնումների մասին:

9. Պաշարների շրջանառելիության գործակիցը, որը բնութագրում է ապրանքանյութական պաշարների շրջանառելիության արագությունը, 2008 թ. համար կազմում է՝

$$\frac{1053512}{1322070} = 0.77$$

**Ստորև ներկայացվում է Երևանի «Շամպայն գինիների գործարան» ԲԲԸ – ի կողմից 2008թ. ընթացքում հաշվարկված և պետ. բյուջե վճարված գումարները ըստ հարկատեսակների հազ. դրամ**

h/h	Հարկատեսակ	Հաշվարկվել է	Վճարվել է
1	ԱԱՀ	119198.0	137700.0
2	Ակցիզային հարկ	127488.0	123500.0
3	Եկամտահարկ	26879.0	27100.0
4	Շահութահարկ	-	4600.0
5	Գույքահարկ	1734.0	1744.0
6	Հողի հարկ	1853.0	1758.0
7	Բնապահպանական վճար	410.0	434.0
	<b>ԸՆԴԱՄԵՆՆՂ</b>	<b>277562.0</b>	<b>296836.0</b>

Ընկերության ապագա գործունեության հիմնական սկզբունքները կայանում են նոր արտադրատեսակների, տեխնոլոգիաների ներդրման, հիմնական միջոցների՝ սարքավորումների արդիականացման, վերազինման, արտադրության ժամանակակից սկզբունքների մշակման, հումքի (խաղողի, գինեմյուսի ) սեփական բազայի ստեղծման մեջ: Հումքի սեփական բազայի ստեղծումը ենթադրում է հողատարածքների ձեռք բերում, կամ վարձակալություն, մշակում՝ հետագա բերք ստանալու պայմանով, որը կհանդիսանա որպես հումք: Այս սկզբունքների կիրառումը կխթանի Ընկերության արտադրատեսակների միջազգային շուկա ընդլայնված ձևով մուտք գործելու գործնթացը: Նշված գործունեության իրականացման համար մոտավորապես անհրաժեշտ է 2 – ից – 2.5 միլիոն եվրո: Արտադրության կարևոր նախապայմաններից մեկն է էժան հումքի և օժանդակ նյութերի ձեռքբերումը, որը թույլ կտա ձևավորել ճկուն գնային քաղաքականություն, մրցակցային դաշտում ապահովել կայուն դիրք, սպառողին (ինչպես բիզնես այնպես էլ վերջնական) ներկայացնել որակյալ և մատչելի արտադրանք: Քանի որ ալկոհոլի արտադրության բնագավառում Ընկերությունը բազմապրոֆիլ է, ուստի գտնվում մշտական մրցակցության մեջ թե տեղական արտադրողների հետ, թե ներմուծող կազմակերպությունների հետ: Բիզնեսի զարգացման վրա էական ազդեցություն են ունենում ինչպես ներքին այնպես էլ արտաքին գործոնները: Ներքին գործոնների շարքին են դասվում պետության տնտեսական իրավիճակը, այն է դրամի արժեվորումը կամ արժեզրկումը, ներքին ապրանքաշրջանառությունը, սպառողի գնողունակությունը, տնտեսական զարգացման ընդհանուր մակարդակը, հարկային և մաքսային օրենսդրությունը, վարչարարությունը, մրցակցության հավասար պայմանների ապահովումը: Էական ազդեցություն ունեն նաև արտաքին գործոնները՝ այն է միջազգային տնտեսական իրավիճակը, արտաժույթների գնային տատանումները, առաքված արտադրանքի դիմաց գումարների ստացումը, որը անմիջական ազդեցություն է ունենում վերարտադրության կազմակերպման համար: Վերջինս ներկայումս բավականին ռիսկային է, քանի որ այն երկրները, որտեղ որ Ընկերությունը ապրանքներ է առաքում ևս գտնվում են անկայուն տնտեսական վիճակում, ուստի դժվարին խնդիր է դարձել վսահելի և վճարունակ գործընկեր գտնելը:

Վերջին տարիներին իրացման ծավալների անկում է նկատվում, ուստի Ընկերությունը, չնայած ռիսկայնությանը, չի սահմանափակվում իր արտադրանքը միայն հայկական շուկայում իրացնելով: Մշտապես ուսումնասիրվում են նոր շուկաներ մուտք գործելու հնարավորությունները, մասնավորապես ԱՊՀ և եվրոպական երկրներ, այդ երկրների սպառողներին Ընկերության արտադրանքը ներկայացնելու հիմնահարցերը: Իրացման ծավալներն ընդլայնելու, նոր շուկաներ մուտք գործելու և Ընկերության արտադրանքը ավելի ճանաչելի դարձնելու նպատակով Ընկերությունը 2008թ. ընթացքում ՌԴ - ի տարածքում Մոսկվա քաղաքում 40 տոկոս բաժնեմասով մասնակցություն է ունեցել «Արմա - Ֆրանս» ՍՊԸ-ի հիմնադրմանը: «Արմա - Ֆրանս» ՍՊԸ – ն հիմնականում զբաղվում է ՌԴ տարածքում Երևանի «Շամպայն գինիների գործարան» ԲԲԸ – ի արտադրանքի իրացմամբ:

Մշտապես պլանավորվում են զարգացման հեռանկարները, քանի որ ներկա պահին Ընկերությունը աշխատում է իր հզորության մոտ 30 տոկոսի չափով: Մշակվում են արտադրության և սպառման օպտիմալ, ճկուն տարբերակներ, որոնք կկարողանան ապահովել բիզնեսի հնարավորինս կայուն զարգացում: Սպառման ծավալների ընդլայնման նպատակով Ընկերությունը ճկուն գնային քաղաքականություն է վարում իր արտադրանքն առաջարկելով ինչպես խոշոր իրացում ապահովող ցանցերին, այնպես էլ մանրածախ վաճառակետերին, միաժամանակ ապահովելով նրանց մեջ առողջ մրցակցություն: Ընկերությունը սկզբունքային է համարում իր արտադրության մեջ հիմնականում տեղական հումքի օգտագործումը: Մասնավորապես հիմնական հումք հանդիսացող խաղողը ձեռք է բերվում հայաստանյան խաղողագործական շրջաններից՝ այն է Տավուշի, Արմավիրի, Կոտայքի մարզերից, որտեղից և ստացվում է գինեյուրթ: Տարաները՝ շշերն ու արկղերը, ինչպես նաև պիտակները նույնպես ձեռք են բերվում հիմնականում տեղական արտադրողներից: Սնացած այլ օժանդակ նյութերը, որքանով որ այն հնարավոր է թե տնտեսական, թե որակական և այլ առումներով նույնպես ձեռք են բերվում տեղական արտադրողներից: Ընկերությունը հումքի իրացմամբ չի զբաղվում, այլ միայն շաղցված և վերջնական տեսք ստացած ալկոհոլային խմիչքներ է իրացնում:

Ընկերության կառավարման բարձրագույն մարմինն է Բաժնետերերի ընդհանուր ժողովը: Ժողովի բացառիկ իրավասությանն են պատկանում բոլոր այն հարցերը, որոնք «Բաժնետիրական ընկերությունների մասին» ՀՀ օրենքի համաձայն վերապահված են միայն ժողովին:

Ընկերության դիտորդ խորհուրդը իրականացնում է ընդհանուր ղեկավարումը, բացառությամբ այն հարցերի, որոնք հանդիսանում են ընկերության ընդհանուր ժողովի բացառիկ իրավասությանը:

Ընկերության դիտորդ խորհրդի անդամներն են.

	Բաժնետոմսերի քանակը %
1. Վերսանդիկ Հակոբյանը	39.0327000%
2. Հրայր Հակոբյանը	38.9328000 %
3. Բախչազյուլ Մկրտչյանը	-
4. Տիգրան Բեգոյանը	0.2138000 %
5. Լենա Սիմոնյանը	-
6. Մարտին Այվազյանը	0.1566000 %
7. Անահիտ Բակունցը	0.3227000%

8. Մանուկ Դուդուկչյանը	0.3875000%
9. Հրանտ Թումադայանը	0.1755000%
10. Ֆելիքս Հայրապետյանը	0.0072000%
11. Տիգրան Ռշտունին	0.0108000%

Ընկերության գործադիր տնօրենն է Ֆիամետա Հակոբյանը, որը իրականացնում է Ընկերության ընթացիկ կառավարումը: Նրա իրավունքները և պարտականությունները սահմանվում են «Բաժնետիրական ընկերությունների մասին» ՀՀ օրենքով և Ընկերության կանոնադրությամբ:

Կառավարմանը մասնակցող անձանցից ազգակցական կապի մեջ են Վերսանդիկ Հակոբյանը, Հրայր Հակոբյանը, Ֆիամետա Հակոբյանը (քույր և եղբայրներ են) և Բախչագյուլ Մկրտչյանը, որը հանդիսանում է Վերսանդ, Հրայր և Ֆիամետա Հակոբյանների մայրը:

Կառավարմանը մասնակցող անձանց և Ընկերության միջև շահերի բախման դեպք տեղի չի ունեցել:

**Ընկերության հետ փոխկապակցված անձիք, Ընկերության սեփականատերերը:**

Հրայր Ֆրանսիկի Հակոբյանը՝ խոշոր բաժնետեր և միաժամանակ հանդիսանում է Ընկերության Դիտորդ Խորհրդի նախագահ

2. Վերսանդիկ Ֆրանսիկի Հակոբյանը՝ խոշոր բաժնետեր և միաժամանակ հանդիսանում է Ընկերության Դիտորդ Խորհրդի անդամ

3. Ֆիամետա Ֆրանսիկի Հակոբյանը՝ Ընկերության բաժնետեր է և միաժամանակ հանդիսանում է Ընկերության Գործադիր տնօրեն:

Ձեկույցը հրապարակեց Երևանի «Շամպայն գինիների գործարան» ԲԲԸ – ի գործադիր տնօրեն Ֆիամետա Ֆրանսիկի Հակոբյանը



## Հաստատում են՝

գործադիր տնօրեն

Ֆ. Հակոբյան

### **Երևանի «Շամպայն գինիների գործարան» ԲԲԸ Հաշվապահական հաշվառման քաղաքականություն**

1. Հաշվապահական հաշվառումը տարվում է մենորիալ – օրդերային եղանակով, ՀՀ ֆինանսների նախարարության կողմից հաստատված հաշվապահական հաշվառման ստանդարտների պահանջներին և կազմակերպությունների ֆինանսատնտեսական գործունեությանը համապատասխան:

2. Ֆինանսական հաշվետվությունները կազմվում են հաշվապահական հաշվառման ստանդարտներին համապատասխան:

#### **3. Պաշարներ.**

Պաշարների կազմում հաշվառվում են այն ապրանքնյութական արժեքները, որոնք.

ա/ պահվում են սովորական /ամենօրյա/ գործունեության ընթացքում վաճառքի համար,

բ/ արտադրության ընթացքում են՝ այդպիսի վաճառքի համար,

գ/ արտահայտված են նյութերի և արագամաշ առարկաների ձևով՝ արտադրանքի թողարկման կամ ծառայություններ մատուցելու ընթացքում օգտագործելու համար:

Պաշարներն ընդգրկում են.

- ապրանքները, ներառյալ կազմակերպությունների կողմից գնված և վերավաճառքի համար պահված հողը /հողամասերը/ և այլ ունեցվածքը,
- պատրաստի արտադրանքը,
- անավարտ արտադրությունը,
- նյութերը և օժանդակ միջոցները, որոնք պետք է օգտագործվեն արտադրության ընթացքում,
- արագամաշ առարկաները:

Պաշարները՝

- մուտքագրվում են ձեռք բերման արժեքով (գնման գին + ձեռք բերման հետ կապված տրանսպորտային , բեռնման , բեռնաթափման և այլ ծախսումներ),

- ինքնարժեքը ձևավորվում է ձեռք բերման արժեքով և վերանշակման հետ կապված բոլոր ծախսումներով , ինչպես նաև պաշարները վիճակի բերելու հետ կապված այլ ծախսեր,
  - պաշարների ինքնարժեքը հաշվարկվում է միջին կշռված արժեքի բանաձևով,
  - իրացված պատրաստի արտադրանքի ինքնարժեքի հաշվարկը կատարվում է միջինացված եղանակով,
  - պաշարների արժեքի փոփոխությունը կատարվում է ըստ տեսակների,
  - որպես ծախս ճանաչվում են պաշարների ինքնարժեքը , պաշարների կորուստները, գերնորմատիվային ծախսումները, տեխնոլոգիական գործընթացով չնախատեսված պահպանման ծախսումները,վարչական վերադիր ծախսումները, վաճառքի (կոմերցիոն) ծախսումները,
  - պաշարներն իրացվում են շուկայական գներից համապատասխան,
  - արագամաշ առարկաների արժեքը դուրս է գրվում շահագործման հանձնելու պահին:
4. պատրաստի արտադրանքի ինքնարժեքը հաշվարկվում է փաստացի ինքնարժեքով,իսկ յուրաքանչյուր արտադրատեսակի համար փոփոխուն ծախսերը հաշվարկվում են փաստացի իրականացված ծախսերի չափով, իսկ հաստատուն ծախսերը` համամասնորեն:
5. Հիմնական միջոցների հաշվառման նպատակով սահմանվում է հետևյալ հաշվապահական հաշվառման քաղաքականությունը.
- ա/ հիմնական միջոցների խմբին են դասվում նյութական այն արժեքները, որոնք
- առկա են կազմակերպությունում արտադրանքի արտադրության, աշխատանքների կատարման,ծառայությունների մատուցման, ապրանքների իրացման,վարձակալության տալու կամ վարչական նպատակով օգտագործելու համար,
  - նախատեսվում է օգտագործել մեկ տարի և ավելի ժամկետում:
- բ/ Հիմնական միջոցները սկզբնապես չափվում են`
- միջոցի ձեռքբերման կամ կառուցման ժամանակ վճարված դրամական միջոցների գումարին,իսկ այլ ձևով հատուցելու դեպքում`հատուցման իրական արժեքին,
  - միջոցի ձեռքբերման կամ կառուցման կողմերի համաձայնությամբ որոշված վճարվելիք,վճարված դրամական միջոցների գումարին,իսկ այլ ձևով հետագայում հատուցելու դեպքում` հատուցման իրական արժեքին` միջոցի ձեռքբերման պահի դրությամբ:

զ/ Հիմնական միջոցը ճանաչվում է որպես ակտիվ, երբ

- ակնկալվում է, որ դրա հետ կապված ապագա տնտեսական օգուտները կհոսեն դեպի կազմակերպություն,

- դրա արժեքը կարող է արժանահավատորեն չափվել:

դ/ Հիմնական միջոցները սկզբնական ճանաչումից հետո հաջորդող ժամանակահատվածներում հաշվառվելու են իրենց սկզբնական արժեքով հանած կուտակված մաշվածությունը և արժեզրկումից կորուստները:

ե/ Հիմնական միջոցները բաժանվում են հետևյալ խմբերի՝

- շենքեր
- կառուցվածքներ
- փոխանցող հարմարանքներ
- մեքենաներ և սարքավորումներ
- տրանսպորտային միջոցներ
- արտադրատնտեսական գույք, գործիքներ
- բազմամյա տնկարկներ
- բանող և մթերատու անասուններ
- այլ հիմնական միջոցներ:

զ/ Հիմնական միջոցների արժեքը պարբերաբար նրա օգտագործման ընթացքում դուրս է գրվում ծախսերով: Հիմնական միջոցների մաշվածության ժամկետները սահմանվում են «Շահութահարկի մասին» ՀՀ օրենքով սահմանված նորմաներով:

է/ Հիմնական միջոցների վրա կատարած նորոգման ծախսերը կապիտալացվում են, երբ դրանց հետևանքով տեղի է ունենում հիմնական միջոցների արդիականացում, կամ երբ նորոգման ծախսերը գերազանցում են նորոգվող հիմնական միջոցի տարեսկզբի մնացորդային արժեքի 10%-ը: Մնացած ծախսերը ծախսագրվում են:

ը/ Հիմնական միջոցները հաշվառվում են ՀՀ Ֆինանսների և էկոնոմիկայի նախարարության կողմից հաստատված հաշվապահական հաշվառման հաշվային պլանով նախատեսված հաշիվներով:

6. Ոչ նյութական ակտիվներ.

ա) գնահատում սկզբնական , ձեռք բերման արժեքով (հանած կուտակված մաշվածությունը և արժեզրկումը) :

բ) ամորտիզացիոն ժամկետը տաս տարի :

7. Ներդրումային գույքի հաշվառում սկզբնական , ձեռք բերման արժեքով (հանած կուտակված մաշվածությունը և արժեզրկումը) :

8. Էական սխալների ընդգրկում ընթացիկ ժամանակաշրջանի զուտ շահույթը կամ վնասը որոշելիս :

9. Դեբիտորական և կրեդիտորական պարտքերը ճանաչվում են սկզբնական արժեքով: Շահութահարկի նպատակով դեբիտորական և կրեդիտորական պարտքերի դուրս գրումը իրականացվում է ՀՀ Կառավարության կողմից սահմանված կարգով, իսկ ֆինանսական հաշվառուման նպատակով դուրս գրումը իրականացվում է ՀՀՀՀՍ 39-րդ ստանդարտի պահանջներին համապատասխան: Արտարժույթով հաշվարկված դեբիտորական և կրեդիտորական պարտքերը յուրաքանչյուր հաշվետու ժամանակաշրջանի վերջում վերահաշվարկվում են և տարբերությունները ճանաչվում են ծախս կամ եկամուտ:

9. Արտարժույթի փոխարժեքային տարբերությունների ճանաչումը որպես եկամուտ կամ ծախս :

10. Փոխառության ծախսումները դրանք տոկոսների վճարման և այլ ծախսումներն են, որոնք ընկերությունը կատարում է՝ կապված փոխառումի շոցների ստացման հետ: Փոխառության ծախսումները ճանաչվում են որպես ծախս այն ժամանակաշրջանում, որի ընթացքում կատարվել են/ՀՀՀՀՍ 23/:

11. Հաշվապահական հաշվառման քաղաքականության փոփոխություն , հաշվառումը կարգավորող օրենսդրության մեջ փոփոխություններ լինելու և ընկերության կողմից անհրաժեշտ համարելու դեպքում:

Երևան, Գ. Լուսավորչի 15/1  
հեռ. (374-10) 58-07-45  
ֆաքս. (374-10) 52-69-41  
E-mail: hayaudit@hayaudit.com  
URL: www.hayaudit.com

15/1 G.Lusavorchi str., Yerevan  
tel. (3741) 58-07-45  
fax (3741) 52-69-41  
E-mail: hayaudit@hayaudit.com  
URL: www.hayaudit.com

03 N 2-08

« 25 » 03 2008 թ.

Ա ՈՒ Գ Ի Տ ՈՐ Ա Կ Ա Ն Ե Զ Ր Ա Կ Ա Ց ՈՒ Թ Յ ՈՒ Ն

Երևանի «Շամպայն գինիների գործարան» ԲԲԸ  
Բաժնետերերի ընդհանուր ժողովին

Մենք առդիտի ենք ենթարկել Երևանի «Շամպայն գինիների գործարան» ԲԲԸ (այսուհետ՝ Ընկերություն) հաշվապահական հաշվեկշիռը՝ առ 31-ը դեկտեմբերի 2008թ., ինչպես նաև հաշվետու ժամանակաշրջանի ֆինանսական արդյունքների, սեփական կապիտալում փոփոխությունների և դրամական հոսքերի մասին հաշվետվությունները (այսուհետև՝ ֆինանսական հաշվետվություններ):

Նշված ֆինանսական հաշվետվությունների կազմման համար պատասխանատու է Ընկերության ղեկավարությունը: Մեր պարտականությունն է անցկացված առդիտի արդյունքում արտահայտել կարծիք ֆինանսական հաշվետվությունների վերաբերյալ:

Մենք առդիտն անցկացրեցինք Հայաստանի Հանրապետության առդիտի ստանդարտներին համապատասխան: Այդ ստանդարտներով պահանջվում է, որ մենք առդիտը պլանավորենք և իրականացնենք՝ ֆինանսական հաշվետվությունները էական խեղաթյուրումներից զերծ լինելու մասին ողջամիտ հավաստիացում ձեռք բերելու նպատակով: Առդիտորական աշխատանքները ներառում են քննադատական հիմունքներով այն ապացույցների հետազոտումը, որոնք հաստատում են ֆինանսական հաշվետվություններում արտացոլված տեղեկատվությունը և բացահայտումները: Առդիտորական աշխատանքները ներառում են նաև ֆինանսական հաշվետվությունների կազմման ժամանակ կիրառված հաշվապահական հաշվառման սկզբունքների գնահատումը, Ընկերության ղեկավարության կողմից կատարված էական արժեքների գնահատումների հետազոտումը և ֆինանսական հաշվետվությունների ներկայացման ընդհանուր գնահատումը: Մենք գտնում ենք, որ իրականացված առդիտորական աշխատանքների արդյունքները բավարար հիմք են հանդիսանում մեր կարծիքն արտահայտելու համար:

31.12.2008թ. դրությամբ շահագործման մեջ գտնվող և օգտագործվող 676347.0 հզ. դրամ սկզբնական արժեք ունեցող հիմնական միջոցներից 169331.0 հզ. դրամի հիմնական միջոցները մնացորդային արժեք չունեն:

Մեր կարծիքով ֆինանսական հաշվետվությունները, բացի վերը նշված հանգամանքներից, մնացած բոլոր էական առումներով ճշմարիտ են ներկայացնում Ընկերության ֆինանսական վիճակը՝ առ 31-ը դեկտեմբերի 2008թ., ինչպես նաև հաշվետու ժամանակաշրջանի ֆինանսական արդյունքները, սեփական կապիտալում փոփոխություններն ու դրամական հոսքերը՝ համաձայն Հայաստանի Հանրապետության Հաշվապահական Հաշվառման Ստանդարտների:

Ղեկավար՝

Առդիտոր՝

Գրիգորյան  
Ստեփանյան